



Inatsisartunut ilaasortaq
Sofia Geisler, Inuit Ataqtigiit

§ 37 naapertorlugu apeqqummut nr. 2021/68 akissuteqaat

Inatsisartut suleriaasianni § 37, imm. 1 naapertorlugu pissutsinik eqqunngitsorisanik saqqummiussisarneq pillugu Naalakkersuisunut apeqqutinik nassiussinikuuvutit. Apeqqut uannut akisassanngorlugu innersuunneqarsimavoq.

Brevdato: 27-06-2021
Sagsnr.2021-10929
Akt id. 17000109

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

- 1. Namminersorlutik Oqartussanut atuutsinneqartup oqaatilliisinaanermik aaqqissuussinerup 2017-imi naliliiffigineqarneranut atatillugu periarfissatut oqaatigineqarpoq, assersuutigalugu ukiut pingasut qaangiunneranni, aaqqissuussinerup taassuma naliliiffigineqarsinnaanera. Nalileeqqinnissaq pissappat tassunga ilanngullugu oqaatilliisinaanermik aaqqissuussinerup suliffeqarfinnut allanut pisortat ingerlatsinerannik suliaqartunut aamma atuutsinneqarsinnaanera eqqarsaatigineqarsinnaasoq oqaatigineqarpoq. Nalilersuinerup nutaap qaqugu piimaarneranik Inatsisartut naatsorsuutiginnissinnaappat?**

Inatsisartut UPA2019-imi pissutsinik eqqunngitsorisanik saqqummiussisarnerit aaqqissugaanera pillugu apeqqummut attuumassuteqartunik aalajangiiffigisassatut siunnersuutinik pingasunik akuersissuteqarput (UPA 2019/49, 81 aamma 140). Taamanikkut Naalakkersuisuusimasut tamanna tungavigalugu siunnersuisarfik Nordic Consulting Group A/S (NCG) qinnuigaa attuumassuteqarnani Kalaallit Nunaanni Innarligassaanginnermik misissuinermik suliaqaqqullugu. Innarligassaanginnermik misissuinermi nunatsinni imminut iluaquserniarluni peqquserluttarnermik aarlerinartoqartoq nalilerneqarpoq aammalu nalunaarusiami arlalinnik inassuteqaateqarluni.

Nalunaarusiami nalilerneqarpoq, innarligassaanginnermik aaqqissuussaaneq qanoq iluaqutitaqarlunilu pitsaaquteqartoq – inatsisitigut sulinermilu – imminut iluaquserniarluni peqquserluttarnerup akiorneqarnissaanut, aammalu pissutsinik eqqunngitsorisanik saqqummiussisarnermi aaqqissuussinermik naliliinermik, kiisalu tassunga innersuussutinik arlalinnik imaqarpoq. Nalunaarusiaq taamaasilluni eqqartorneqartumi naliliinermik eqqartorneqartumik imaqarpoq, nalunaarusiami sammisat allat aamma eqqartorneqaraluartut.

Nalunaarusiaq Inatsisartunut nassiunneqarpoq ulloq 15. februar 2021. Nalunaarusiaq aamma Naalakkersuisut nittartagaanniippoq, Aningaasaqarnermut Nunamullu Namminermt Naalakkersuisoqarfiup ataani.

- 2. Namminersorlutik Oqartussanut atuutsinneqartoq oqaatilliisinaanermik aaqqissuussineq aqutigalugu nalunaarutigineqartut**

**misissorneqartarnerannut akisussaaffiup Naalackersuisoqarfiit
ataasiakkaat pisortaaneranniit peerlugu assersuutigalugu Intern
Revisionimut, oqaatilliisarnermik aqqissuussinermik systemitigut
aqutsisuussumut, naammattumillu arlaannaanulluunniit
pituttorsimangitsutut inissisimasumut, nuunneqarnissaanik
Naalackersuisut peqquneqarput. UPA2019/81-ip akuerineqarneratigut
Inatsisartut peqqusinerat Naalackersuisunit qanoq malitseqartinneqarpa?**

Pissutsinik eqqunngitsorisanik saqqummiussisarnermik aqqissuussineq ullumikkut immikkoortotaqarfimmi sumulluunniit attuumassuteqanngitsumi Naalackersuisut Kukkuersuisoqarfianni Aningaasaqarnermut Sulisoqarnermullu Aqutsisoqarfimmi inissisimavoq. Naalackersuisut Kukkuersuisoqarfiata ilaatigut akisussaaffigaa Namminersorlutik Oqartussat aningaasaqarnermik ingerlatsinerannut atatillugu aningaasaqarnikkut peqquserluttoqarnissaata pinaveersaartinnissaa, kiisalu peqquserlunniarluni misiliinerit qulaajassallugit.

Naalackersuisut Kukkuersuisoqarfiata suliavit suliavit suleriaaseq tulluarnepaaq isummerfigisarpaa, suliav sumut sammisuteqarnerseq apequtaatillugu.

Naalackersuisut Kukkuersuisoqarfiata pissutsinik eqqunngitsorisanik saqqummiussisarnermi aqqissuussinermut atatillugu nalunaarutiginninnerit figuneqartut suliassaqarfimmi naalackersuisoqarfimmi akisussaasumi pisortamut paasissutissanik ingerlatitseqqinneq taamaallaat suliarineq ajorpaa.

Assersuutigalugu naalackersuisoqarfimmi pisortaq pillugu eqqunngitsumik iliortoqarsimasinnaaneraniq nalunaarutiginninneq taamaasilluni naalackersuisoqarfimmi pisortamut pineqartumut suliassanngorlugu tunniunneqassanngilaq. Nalunaarutiginninneq taama ittoq taarsiullugu Naalackersuisut Siulittaasuata Naalackersuisoqarfiani pisortamut immaqaluunniit Aningaasaqarnermut Nunamullu Namminermut Naalackersuisoqarfimmi pisortamut tunniunneqassaaq.

Siunnersuisarfiup Nordic Consulting Group A/S-ip nalunaarusiaani innersuussutigineqarpoq, oqaatilliisarnermik aqqissuussineq Inatsisartut Ombudsmandiannut inissinneqassasoq. Aallaqqaataani Inatsisartuni, Ombudsmandip ataffigisaani, tamanna isumaliutigineqaaqqaassaaq.

**3. Namminersorlutik Oqartussanit pigineqartut ingerlatseqatigiiffiit anginerit
ilaqarpat oqaatilliisarnermik aqqissuussinernik suli
pilersitsisimangitsunik?**

Naalackersuisut Siulittaasuata Naalackersuisoqarfiata Namminersorlutik Oqartussat ingerlatseqatigiiffii pissutsinik eqqunngitsorisanik saqqummiussisarnermik aqqissuussinernit pillugit apeqquteqarfagai. Illuut A/S, Greenland Oil Spill Responce A/S, Great Greenland A/S aamma INI A/S-ip paasissutissiissutigaaq pissutsinik eqqunngitsorisanik saqqummiussisarnermik aqqissuussinermik peqarnatik, Kalaallit Airports Holding A/S-ip nalunaarutigaaq aqqissuussineq 2021-p ingerlanerani kiisami inississimassasoq. Royal Arctic Line A/S suli pissutsinik eqqunngitsorisanik saqqummiussisarneq pillugu aqqissuussinermik peqanngillat, kisiannili taassuma piviusunngornissaa sulissutigineqartoq. NunaOil A/S Visit Greenland A/S-ilu allakkatigut akissuteqanngillat.

Inussiarnersumik inuulluaqqusillunga



Aasi Chemnitz Narup

INUIT ATAQATIGIIT

Inatsisartuni



2. juni 2021

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. Namminersorlutik Oqartussanut atuutsinneqartup oqaatilliisinaanermik aqqissuussinerup 2017-imi naliliiffigineqarneranut atatillugu periarfissatut oqaatigineqarpoq, assersuutugalugu ukiut pingasut qaangiunneranni, aqqissuussinerup taassuma naliliiffigeqqissinnaanera. Nalileeqqinnissaq pissappat tassunga ilanngullugu oqaatilliisinaanermik aqqissuussinerup suliffeqarfinnut allanut pisortat ingerlatsinerannik suliaqartunut aamma atuutsinneqarsinnaanera eqqarsaatigineqarsinnaasoq oqaatigineqarpoq. Nalilersuinerup nutaap qaqugu piumaanneranik Inatsisartut naatsorsuutiginnissinnaappat?**
- 2. Namminersorlutik Oqartussanut atuutsinneqartoq oqaatilliisinaanermik aqqiissussineq aqquutugalugu nalunaarutigineqartut misissorneqartarnerannut akisussaaffiup Naalackersuisoqarfiit ataasiakkaat pisortaaneranniit peerlugu assersuutugalugu Intern Revisionimut, oqaatilliisarnermik aqqissuussinermik systemitigut aqutsisuussumut, naammattumillu arlaannaannulluunniit pituttorsimangitsutut inissisimasumut, nuunneqarnissaanik Naalackersuisut peqquneqarput. UPA2019/81-ip akuerineqarneratigut Inatsisartut peqqusinerat Naalackersuisunit qanoq malitseqartinneqarpa?**
- 3. Namminersorlutik Oqartussanit pigineqartut ingerlatseqatigiiffiit anginerit ilaqarpat oqaatilliisarnermik aqqissuussinernik sulii pilersitsisimangitsunik?**

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Namminersorlutik Oqartussanut / Naalackersuisoqarfinnut atuuttoq oqaatilliisinaanermik aqqissuussineq 2015-imi Naalackersuisunut pilersinneqarpoq. Suliffeqarfimmi namminermi unioqqutitsilluni iliuuseqartoqarneranik ilisimasaqaraanni pasitsaassaqaaraanniluunniit tamanna pillugu nalunaaruteqarsinnaanermik sulisut taamaasillutik periarfissinneqarput. Atornerluineq tassaasinnaavoq akilertilluni iliuuseqarneq, pigisanik atornerluineq pissaanermilluunniit atornerluinerit allat. Aamma tassaasinnaavoq Inatsisartut ilisimasassaannik tunniussinaveersaarneq imaluunniit innuttaasut pisinnaatitaaffinnik aqqiussamik innarliinerit.

Oqaatilliisinaanermik aqqissuussineq 2017-imi naliliiffigineqarpoq.

Naliliinikkut periarfissatut tikkuarneqarpoq, assersuutugalugu ukiut pingasut qaangiunneranni, aqqissuussinerup naliliiffigeqqinnissaa, tassungalu atatillugu eqqarsaatigineqarsinnaalluni aqqissuussineq suliffeqarfinnut pisortat ingerlatsinerannut atasunik isumagisaqartunut aamma atuutsinneqarsinnaasoq.

Taamaattumik soqutigalugu paaserusuppara naliliineq nutaaq qanoq pissanersoq Inatsisartut naatsorsuutigisinnaaneraat.

Taassuma saniatigut tusarusuppara UPA2019/81 Inatsisartut akuerisaat pillugu Naalakkersuisut maannamut qanoq iliuseqarsimanersut. Tassani pineqarpoq oqaatillisinnaanermik aqqissuussineq Namminersorlutik Oqartussanut attuumassuteqartoq aqutigalugu nalunaarutigineqartut suliarineqartanerannut akisussaaffiup Naalakkersuisoqarfiit pisortaanniit peerlugu, assersuutigalugu Intern Revisionimut, oqaatillisinnaanermik aqqissuussinerup systemikkut inissisimaffigeriigaanut, aammalu naammattumik arlaannaannulluunniit pituttorsimangitsut inissisimasumut, nuunneqarnissaanut Naalakkersuisut pisussaaffilerneqarnerat.

Naggataatigullu paaserusuppara Namminersorlutik Oqartussanit pigineqartut ingerlatseqatigiiffiit anginerit ilaqarnersut oqaatillisinnaanermik aqqissuussinernik suli pilersitsisimangitsunik. Tassunga tunngatillugu innersuussutigissavara UPA2019/140, tassuunakkut Naalakkersuisut peqquneqarmata ingerlatseqatigiiffinni Namminersorlutik Oqartussanit pigineqartuni oqaatillisinnaanermik aqqissuussinernik atuilernissamut Naalakkersuisut sulissuteqaqqullugit. Siunnersuutip taassuma akuerineqarnerata nalaani taamaallaat Air Greenland aamma KNI aqqissuussinernik tassanga atuilersimapput. Tele Greenland atuutsitsilernissamik suliaqarluni, Royal Arctic Line aamma Royal Greenland atuutsitsilernissamik eqqarsaatersuuteqartut.

Kissaatigivara apeqqutikka ullut suliffiusut qulit qaangiutinnginneranni akineqarnissaat.